

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԼՈՌՈՒ ՄԱՐԶԻ
ԱԼԱՎԵՐԴԻ ՀԱՄԱՅՆՔԱՊԵՏԱՐԱՆԻ
ԱՇԽԱՏԱԿԱԶՄ ՀԱՄԱՅՆՔԱՅԻՆ
ԿԱՌԱՎԱՐԶԱԿԱՆ ՀԻՄՆԱՐԿ

Ծ Ր Ա Գ Ր Ի Փ Ո Փ Ո Խ ՈՒ Թ Յ ՈՒ Ն

ԱԼԱՎԵՐԴԻ ՀԱՄԱՅՆՔԻ 2024Թ.
ՇՐՋԱԿԱ ՄԻՋԱՎԱՅՐԻ ԵՎ ԲՆԱԿՉՈՒԹՅԱՆ
ԱՌՈՂՋՈՒԹՅԱՆ ՊԱՀՊԱՆՄԱՆ

1. Տեղեկատվություն համայնքի ազդակիր բնակավայրերի ու դրանց բնապահպանական կամ առողջապահական հիմնախնդիրների վերաբերյալ:

Ալավերդին բազմաբնակավայր համայնք է, որի կազմում ընդգրկված են 3 քաղաքային և 25 գյուղական բնակավայրեր: Ալավերդի համայնքի խոշոր բնակավայրերը ձևավորվել են հանքարդյունաբերության շուրջ: Ալավերդի քաղաքում պղնձաձուլական գործարանը աշխատել է ավելի քան 250 տարի: Թեև այն վերջին տարիներին դադարեցրել է գործունեությունը, սակայն մինչ օրս առկա է գործարանի արտանետումների բացասական (անխուսափելի) ազդեցությունը շրջակա միջավայրի և բնակչության առողջության վրա:

Այսօր էլ համայնքում գործում են հանքարդյունաբերական խոշոր ձեռնարկություններ՝ «Թեղուտ» ՓԲԸ-ն, որն իրականացնում է Թեղուտի պղնձամոլիբդենային հանքաքարի արդյունահանում ու վերամշակում, և «Ախթալայի ԼՀԿ» ՓԲԸ, որը շահագործում է Շամլուղի պղնձի հանքավայրը և զբաղվում հանքանյութի մշակմամբ: Այս ձեռնարկությունների շրջակա միջավայրի վրա ազդեցությունն արտահայտվում է մի քանի ուղղություններով, ինչպիսիք են՝ տեխնոլոգիական ջրերի արտահոսքը, մարդու առողջության համար վտանգավոր գազերի ու փոշու արտանետումներն օդային ավազան և վտանգավոր նյութերի արտահոսքը:

Համայնքի տարածքում է գտնվում նաև Ալավերդու լիցենզավորված աղբավայրը, որը ևս բացասական ազդեցություն ունի մարդկանց առողջության և շրջակա միջավայրի վրա:

Վերոնշյալ ազդեցության անմիջական կրողները Թեղուտ, Շնող, Ախթալա, Շամլուղ, Մեծ Այրում, Ալավերդի, Փոքր Այրում և Ճոճկան ազդակիր բնակավայրերի բնակիչներն են ու շրջակա միջավայրը:

Հանքավայրերի երկարամյա շահագործումը, խոշոր պոչամբարների, մկնդեղի թափոնների գերեզմանոցի և կոշտ կենցաղային թափոնների աղբավայրի առկայությունը, խոշոր բեռնատարների երթևեկային ծանրաբեռնված համայնքի միջով անցնող միջպետական ավտոճանապարհը, տարածքի անտառների ժամանակին իրականացված հատումները համայնքի բնակչության առողջության և բնության վրա ունեն էական բացասական ազդեցություն:

2. Ծրագրի մշակման համար հիմք հանդիսացած հիմնախնդիրները:

Առողջապահական

Համայնքի ազդակիր Թեղուտ բնակավայրում չկան հանգստի գոտիներ և մարզահրապարակներ, իսկ Ալավերդի բնակավայրում դրանք սակավաթիվ են, ինչով պայմանավորված բնակիչների սպորտով զբաղվելու և ակտիվ հանգիստը կազմակերպելու հնարավորություն և մատչելիություն չի ապահովվում: Մինևույն ժամանակ բնակավայրերում կան տարածքներ, որոնց անբարեկարգ վիճակը բացասական ազդեցություն է ունենում նաև մթնոլորտային օդի մաքրության և պահպանման վրա:

Ներկայիս վիճակը շտկելու, մթնոլորտային օդը մաքուր պահելու, բնակիչների առողջության պահպանման, ամրապնդման, առողջ ապրելակերպի խթանման նպատակով «Ընկերությունների կողմից վճարվող բնապահպանական հարկի նպատակային օգտագործման մասին» ՀՀ օրենքի 3-րդ հոդվածի 1-ին, 6-րդ և 11-րդ ենթակետերի (մթնոլորտային օդի որակի բարելավմանն ուղղված միջոցառումներ, բնակավայրերի կանաչ գոտիների պահպանման, վերականգնման, բարելավման միջոցառումներ, առողջ ապրելակերպի խթանում, վարքագծային գործոնների ձևավորում, առողջ ապրելակերպի ձևավորմանն ու խթանմանն ուղղված միջոցառումներ) համաձայն, նպատակահարմար է բնակավայրերի այդ տարածքներում կառուցել մարզահրապարակ/հանգստի գոտիներ:

3. Ծրագրի նպատակը, խնդիրները, ծրագրի իրականացումից ակնկալվող արդյունքները (կարճաժամկետ և երկարաժամկետ)

Ծրագրի նպատակներն են՝

Առողջապահական

- Առողջ ապրելակերպի խթանում:
- Շրջակա միջավայրի աղտոտվածության դեմ պայքար:
- Մթնոլորտային օդի մաքրության պահպանություն:

Ծրագրի խնդիրներն են՝

Առողջապահական

- Ապահովել առողջ ապրելակերպի և վարքագծային գործոնների ձևավորում:
- Ապահովել մթնոլորտային օդի պահպանությունը, օդի որակի բարելավումը, նվազեցնել օդի աղտոտվածությունը:

Ծրագրի իրականացումից ակնկալվող կարճաժամկետ արդյունքներն են՝

Առողջապահական

- Առողջ ապրելակերպի համար ստեղծվել են պայմաններ:
- Համայնքում սոցիալական և տարիքային տարբեր խմբերի համար ապահովվել է ֆիզիկական դաստիարակության ու ֆիզիկական կուլտուրայով զբաղվելու մատչելիություն:
- Ստեղծվել է բարեկարգ համայնքային միջավայր:

Ծրագրի իրականացումից ակնկալվող երկարաժամկետ արդյունքներն են՝

Առողջապահական

- Նպաստավոր և անվտանգ պայմաններ հանգստի և ժամանցի համար:
- Մթնոլորտային օդում փոշու և մեքենաների արտանետումների արդյունքում օդի աղտոտվածության խտության նվազում:

4. Ծրագրի կատարողականի կանխատեսումը (քանակական և որակական ցուցանիշներ՝ ըստ առանձին միջոցառումների):

Առողջապահական

- «Ալավերդի համայնքի Ալավերդի և Թեղուտ բնակավայրերում մարզահրապարակ/հանգստի գոտիների կառուցում» միջոցառում
 - *Ալավերդի բնակավայրում կունենանք շուրջ 480 մ², իսկ Թեղուտ բնակավայրում՝ շուրջ 315 մ² մարզահրապարակ/հանգստի գոտիներ, որի արդյունքում բնակիչները ֆիզիկական վարժություններով մշտապես զբաղվելու և առողջ ապրելակերպ վարելու հնարավորություն կունենան:*

5. Տեղեկատվություն Ծրագրի շահառուների վերաբերյալ:

Առողջապահական

Ծրագրի «Ալավերդի համայնքի Ալավերդի և Թեղուտ բնակավայրերում մարզահրապարակ/հանգստի գոտիների կառուցում» միջոցառման ուղղակի շահառուները Ալավերդի և Թեղուտ բնակավայրի բնակիչներն են՝ թվով 20407 մարդ, ովքեր ֆիզիկական վարժություններով մշտապես զբաղվելու, առողջ ապրելակերպ վարելու, մաքուր մթնոլորտային օդում լիարժեք հանգիստը կազմակերպելու հնարավորություն կունենան:

6. Կապը տվյալ մարզի կամ համայնքի զարգացման կամ շրջակա միջավայրի պահպանության տեղական գործողությունների ծրագրերի կամ այլ ծրագրային կամ ռազմավարական նշանակության փաստաթղթերի կամ շրջակա միջավայրի կամ առողջապահության ոլորտներում համայնքի առաջնահերթություններից բխող առաջարկությունների հետ,

Առողջապահական

Ծրագրի «Ալավերդի համայնքի Ալավերդի և Թեղուտ բնակավայրերում մարզահրապարակ/հանգստի գոտիների կառուցում» միջոցառման իրականացումը բխում է Ալավերդի համայնքի 2023-2027թթ հնգամյա զարգացման ծրագրից, քանի որ հնգամյա զարգացման ծրագրի «համայնքի զարգացման անմիջական նպատակներ» ենթաբաժնում որպես նպատակ սահմանվել է «ապահովել համայնքի բարեկարգ տեսքը՝ խաղաղուշտեր, խաղահրապարակներ, մարզահրապարակներ ու հանգստի գոտիներ նորոգելով և հիմնելով» նպատակը:

7. Տեղեկատվություն՝ Ծրագրի իրականացմանը պետական կառավարման համակարգի մարմինների կամ այլ կազմակերպությունների (այդ թվում՝ միջազգային) մասնակցության վերաբերյալ:

Ծրագրի կազմման փուլում պետական կառավարման համակարգի մարմինների կամ այլ կազմակերպությունների կողմից Ծրագրի իրականացման մասնակցություն չի նախատեսվում:

8. Տեղեկատվություն Ծրագրի համաֆինանսավորման վերաբերյալ (առկայության դեպքում):

Ծրագրի արժեքը 51010900 ՀՀ դրամ է: Ծրագրով նախատեսված միջոցառումների իրականացման համար անհրաժեշտ գնման գործընթացների արդյունքում կնքված պայմանագրային արժեքներից 29001040 ՀՀ դրամը կֆինանսավորվի ընկերությունների կողմից վճարվող բնապահպանական հարկից մասհանվող գումարից, իսկ մնացած մասը կհամաֆինանսավորվի Ալավերդի համայնքի բյուջեից:

Ծրագրով նախատեսված միջոցառման իրականացման համար համայնքապետարանը համայնքային միջոցներով ձեռք է բերել նախագծա-նախահաշվային փաստաթղթեր:

9. Ծրագրում ներառված միջոցառումների իրականացման համար անհրաժեշտ թույլատվական փաստաթղթերի պատճենները կամ տեղեկատվություն դրանց ստացման ուղղությամբ իրականացվող կամ իրականացվելիք աշխատանքների վերաբերյալ:

Ծրագրով նախատեսվում է կառուցել մարզահրապարակ/հանգստի գոտիներ, ինչի համար Ալավերդու համայնքապետարանը պետք է մինչև շինարարական աշխատանքների մեկնարկը տրամադրի շինթույլտվություն: ՀՀ Օրենսդրությամբ սահմանված ժամկետներում Ալավերդու համայնքապետարանը կտրամադրի համապատասխան թույլտվությունները:

10. Ծրագրի միջոցառումների իրականացման առաջնայնությունները:

Կցվում է Հավելված 1:

11. Ծրագրի արժեքը (ըստ միջոցառումների):

Ալավերդի համայնքի շրջակա միջավայրի և բնակչության առողջության պահպանման 2024 թվականի ծրագրի ընդհանուր արժեքը 51010900 ՀՀ դրամ է, որից՝

- Ծրագրի «Ալավերդի համայնքի Ալավերդի և Թեղուտ բնակավայրերում մարզահրապարակ/հանգստի գոտիների կառուցում» միջոցառման իրականացման համար կառուցման աշխատանքներ (ներառյալ հեղինակային և տեխնիկական հսկողության ծառայություն)՝ 51010900 ՀՀ դրամ (ծավալաթերթ-նախահաշիվը կցվում է):

Ծրագրի իրականացման հիմքերը

Ալավերդի համայնքի շրջակա միջավայրի և բնակչության առողջության պահպանման 2024թ. ծրագիրը կազմվել է «Ընկերությունների կողմից վճարվող բնապահպանական հարկի նպատակային օգտագործման մասին» 2001 թվականի

մայիսի 15-ի ՀՕ-188 օրենքի, «Ընկերությունների կողմից վճարվող բնապահպանական հարկից մասհանվող գումարների հաշվին իրականացվող բնապահպանական ծրագրերի մշակման կարգը սահմանելու մասին» Շրջակա միջավայրի նախարարի 2023թ. սեպտեմբերի 4-ի N 310-Ն հրամանի, «Բնապահպանական ծրագրերով նախատեսված միջոցառումների իրականացման առաջնայնությունները կամ դրանց փոփոխությունները շրջակա միջավայրի ոլորտի և առողջապահության ոլորտի լիազոր մարմինների հետ համաձայնեցման կարգը սահմանելու և ՀՀ կառավարության 2002 թվականի սեպտեմբերի 26-ի N 1544-Ն որոշումն ուժը կորցրած ճանաչելու մասին» ՀՀ Կառավարության 2023թ. օգոստոսի 24-ի N 1421-Ն որոշման և «Տեղական ինքնակառավարման մասին» ՀՀ Օրենքի (Հոդված 12՝ Համայնքի պարտադիր խնդիրները) պահանջներին համապատասխան:

ԱԼԱՎԵՐԴԻ ՀԱՄԱՅՆՔԻ ՂԵԿԱՎԱՐ



ԴԱՎԻԹ ՂՈՒՄԱՇՅԱՆ



ԱՆԱՎԵՐԴԻ ՀԱՄԱՅՆՔԻ 2024 ԹՎԱԿԱՆԻ ԲՆԱՊԱՀՊԱՆԱԿԱՆ ԾՐԱԳՐՈՎ ՆԱԽՏԵՍՎԱԾ ՄԻՋՈՑԱՌՈՒՄՆԵՐԻ ԻՐԱԿԱՆԱՑՄԱՆ ԱՌԱՋՆԱՀԵՐԹՈՒԹՅՈՒՆՆԵՐԸ ԵՎ ԴՐԱՆՑ ՖԻՆԱՆՍԱՎՈՐՄԱՆ ՀԱՄԱՄԱՍՆՈՒԹՅՈՒՆՆԵՐԸ

Հ/Հ	Միջոցառման անվանումը	Գումարը (հազար. դրամ)		
		Ընդամենը	Բնապահպանական մասնանում	Համայնք
1	Առողջապահական	51,010.90	29,001.04	22,009.86
1.1.	Ալավերդի համայնքի Ալավերդի և Թեղուտ բնակավայրերում մարզախրապարակ/հանգստի զոտիների կառուցում	51,010.90	29,001.04	22,009.86
	Ընդամենը	51,010.90	29,001.04	22,009.86

Ալավերդի համայնքի ղեկավար

Դ. Դումաշյան

